

КУТИЛМАГАН ЗАРАРЛАР ҲИСОБИ

9. Кутилмаган зарарлар ҳисоби кутилмаган вазиятлар натижаларига кўра олиб берилади. Агар кутилмаган вазият хўжалик юритувчи субъектни зарар кўришга олиб келиши эҳтимоли мавжуд бўлса, бундай зарарни молиявий ҳисоботларда акс эттириш мақсадга мувофиқдир.

10. Кутилмаган зарар миқдори молиявий ҳисоботда мажбурият сифатида кўриб чиқилиши керак, агар:

— бухгалтерия балансини тузиш санасида келгусидаги воқеалар натижасида ҳар қандай мумкин бўлган қоплаш маблағини ҳисобга қабул қилиш эҳтимоли активлар қийматини пасайтириб юборади, бундай қоплаш маблағлари мажбурият ҳисобланади;

— келгусида кўриладиган зарарлар қийматини (баҳосини) аниқлаш имконияти мавжуд бўлса.

11. Кутилмаган зарарларнинг мавжудлиги ([10-банддаги](#) ҳоллардан ташқари) молиявий ҳисоботларда очиқ берилиши керак, зарар кўриш эҳтимоли кам бўлган ҳолатлар бундан мустасно.

12. Ишлаб чиқариш фаолиятида умумий ёки аниқлиги номуайян хатарлар учун ҳисобланган суммалар, бухгалтерия балансини тузиш санасида кутилмаган вазиятларга тааллуқли эмас ва шу боисдан кутилмаган вазиятлар сифатида кўриб чиқилмайди.